

Finale



't Limburgs
Vastelaovesleedjes
Konkoer

5 februari 1993


Cultureel Centrum De Haandert

Tegelen

als er gevierd wordt...

- complete verzorging voor elk feest;
 - recepties
 - openingen
 - communies
 - jubilea
 - bruiloften etc.
- koude en warme buffetten
- vis buffetten
- indonesische

- buffetten
- warme ham en speenvarken
- surprise ontbijten
- gourmet en barbecue-avonden
- belegde broodjes
- verhuur tafels, stoelen, tapinstallaties, glaswerk etc.



TOM QUICKEN

party & catering service

koningstraat 2 • 5931 bw tegelen
tel. 077-736228 • fax 077-738279

Woord veuraof

Veur de zisde kier het Limburgs Vastelaovesleedjeskonkoer in de formule mit Omroep Limburg en de Stichting Kunst en Cultuur Limburg. De finale vanaovend in Tegele belooft 'n hiel biezonder te weure. De samewirkende Tegelse Vastenaovesvereiniginge hubbe gezurgd veur 'n geweldige ambiance en de deriten finaliste zien d'r klaor veur.

Mie es 170 leedsjes zien dis kier ingesjik. Dao-oet heet de hoofdjury bestaonde oet 22 deskundige oet gaans Limburg 39 leedsjes oetgezeuk die doormochte nao de veurrundes die door Omroep Limburg zien oetgezonde. Oet die 39 heet 't Limburgs volk 12 finaleleedsjes gekoze oebij de hoofdjury, gebruik makend van heur recht, een 13e leedsje heet aangeweze.

't Speul is op de waage. De café-juries die zitte in Blerick, Linne, Eys-Wittem, Geleen en Kerkrade zulle vanaovend bepaole wee dees Finale 1993 geet winne. Meh um dat winne allein geet 't netuurlek neet. De Stichting LVK wilt de Limburgse leedsjes promote en ze aon e zoe groet meugelek publiek laote huure. Van Noord tot Zuid. Want leedsjes weurde neet gemaak um te winne, meh um te speule, te zinge of te blaoze. Van Eesde tot de Mokerhei. Mit vastelaovend!

Bestuur LVK,

Chrit Leenders
voorzitter

Stan Spauwen
secretaris

1. Laot maar kômme wat kump

Tekstdichter/Componist: Piet en Suzanne van Bree (Tegelen)

Heb geej 't al gehuurd van de voetbalclub beej ôs,
die makde 't al bônk nag vûr de wedsjtriëd waas begôs,
die kroope alle ellef in de goal beejein,
en zônge van dao-oët dit refrein: .

Refrein:

Laot maar kômme wat kump,
en laot maar gaon wie 't geit,
wat kèn 't gaeve,
't bliéf toch um 't aeve,
of 't nôw raak is of d'r naeve,
asse maar lol haes in 't laeve.

Os M'rie ging aan 't vreeje,
maar 't wis neet wie of wat,
dèt kwaam 't had nag noeïts 'n echte gooj kôsmoél gehad,
maar wie 't lèts mèt Theike op 'n bènkse zoot,
zông ôs Marie vol gooje mood:

Refrein

Miën broor is beej de pliessie;
jao, dae regelt 't verkiër,
maar as 't dèn gèt drökker wuurt dèn wèt hae 't neet miër,
en dèt is idd'ren daag um 'n oor of ellef,
dèn zaet hae: "nôw regel 't uch maar zellef!"

Laot maar kômme wat kump,
en laot maar gaon wie 't geit,
wat kèn 't gaeve,
't bliéf toch um 't aeve,
of 't nôw raak is of d'r naeve,
asse maar lol haes
asse maar lol haes
asse maar lol haes
in 't laeve.

2. Laotj uch mer gaon

Tekstdichter/Componist: M. Abels (Heel)

Refrein:

Laotj uch mer gaon met vastelaovendj,
Drie daag lang op sjtap.
Het sjoeënste fieëst is vastelaovendj
Al geitj det nog zoeë rap.
Met väöl meziêk en väöl gerammel
Geitj det alsmer door.
Laotj uch toch gaon met vastelaovendj,
Det kéns-se ueëveeral.
Laotj uch toch gaon met vastelaovendj
Det is 't sjoeënst van al.

Det hieël gedrang
Kumptj langkzaam op gang.
Sjpring in dae trein
De rest geitj van allein.
Zeetj toch neet bang
't Doêrtj mer drie daag lang.
Het blijftj sjteeds weer sjoeën
Toet aan de leste toeën.

De sjoeënste mins
Det is toch de Prins.
Hae löpt väörop
En kumptj dèn neet mieër sjtop.
Mer éns kieërtj 't tiej
Den is det weer väörbiej.
Es hae uch dèn bedanktj
Geluif mer det hae dèn janktj.

3. Knuddel in de mouw

Tekstdichter/Componist: Bert en Ursula Garnier (Maastricht)

Refrein (2x)

Bis diech 'n possjenèlleke,
of bis diech Pie en Pouw.
Mèt Karneval maak dat niks oet,
daan is 't knuddel in de mouw.
Bis diech soms 'nne poependik,
of zoe mager wie 'n plaank.
Mèt Karneval maak dat niks oet,
daan goon veer driij daog laank.

't Maak toch gaar niks oet,
wie ste heits of wee ste bis.
Diech zèllef zien met Karneval,
daan geit 't neet mie mis.
Tuddel diech gèt aon,
'n brook met 'n look,
'nne awwerwètse zjielie,
zoe broen wie peperkook.
En lègk d'n zörreg op de sjouw,
daan kump de aap weer oet de mouw!

Refrein 2x

4. *Ik bin kepot*

Tekstdichter/Componist: Peter van 't Hof (Arcen)

Ik bin kepot, wat heb ik unne kater
Ik lus gen beer, gen fris en ok gen water.
Ik bin kepot, mien oege valle toe
Ik mot noa hoese, ik wiet allien neet hoe.

Refrein:

Mar mergevroeg ... giet ut d'r aan.
Daan goei ik vief zes eier in de pan
Zuug ik wer mien lange vol
Sliet de joeks mich in den bol
Mergevroeg ... giet ut d'r aan.

Ut fiës is oet, de krane zien gesloate
De letste klats, ik ken ut toch neet laote
Ik bin kepot, mien oere doon mich pien
Woar is de jas, haen mot toch urges zien.

Ik bin kepot, wât stui ik hee te bale
Want taxi Ber, dên kump mich toch neet hale.
Ik zuu gen snars, mar man wât loëp ik rech
Ik bin neet krank, allien un bietje slech.

5. *Gènne sjtorm hèlt ôs taege*

Tekstdichter/Componist: Ron Aspers en Wiel Reivers (Reuver)

Refrein:

Gènne sjtorm hèlt ôs noe taege
gèn vakansie lok ôs weg!
Gènne Draak zal ôs bewaege
en 't werk haet drij daag pech!
Vastelaovend Oppe Ruiver
is 't sjônste sjteeds opniej:
Want de Windjbuujels zien d'r everal
maar de sjônste diej zien hiej!
Jao Windjbuujels zien d'r everal
maar de sjônste diej blieve hiej!

De gekke daag diej braeke aan.
De hoëze zien v'rlaote.
De Windjbuujels hange drij daag lang
in de sjoën versierde sjtraote.
Alle zörg gaon aan de kantj:
Veur viere fiës in 't Windjbuujellandj.

De gekke daag diej braeke aan.
Toch gaon d'r luuj noe pleite!
Ze gaon noe nao 'n anger landj.
Jao ze môste toch ens weite.
Noe gèn werm of zonnig sjtrandj:
Veur viere fiës in 't Windjbuujellandj.

6. Heem

Tekstdichter: Frits Pelt (Heerlen)

Componist: Hans Croes en Frits Pelt (Heerlen)

Refrein:

Zoeëwie de hermeniekes troäte in mieng heemetsjtad
en nondejuukes danse boave 't kammezoal.

Doa woa d'r klooneman 't dreij daag vuër 't zage hat,
d'r sjunste vasteloavend van ze allemoal.

Ing bombe job i Rotjeknor,

hel jakk're vuër d'r twieëde waan,

ing boed mit hypotheek beplekt bis boave tow.

Va carrière make doeën ich al die vusjmoele get vuër,
mar ronk vetdonnesjtig dan kriet d'r jong kamau.

Refrein

Vakans wied voet, good duur en sjiek,

d'r video noa, kirk-i kirk oet,

mit krismes efkes nèsloch sjnoeve beij de mam.

D'r sirk drieënt durch, ich veur mich op, 't sjient noe eemoal zoeë te zieë
mar mit die daag kriet mich deë kriebel gans op sjtang.

Refrein

Scorebord

	GELEEN Hotel-café Skāl	KERKRADE Café 't Brikkes	LINNE Harmoniezaal	BLERICK Wijkgebouw St. Anna	EYS-WITTEM Café Lambieck	
1. Laot mer kômme wat kump (Belfeld)						
2. Laotj uch mer gaon (Heel)						
3. Knuddel in de mouw (Maastricht)						
4. Ik bin kepot (Arcen)						
5. Gêne sjtorm helt ôs taege (Reuver)						
6. Heem (Heerlen)						
7. Huêr ich meziëk (Neer)						
8. Stupke op, stupke aaf (Blerick)						
9. Iech bin d'r Harie (Kerkrade)						
10. Van daen ozel gêne las (Kessel)						
11. As ik ow zie (Venray)						
12. Heij brandt de lamp (Maastricht)						
13. 'nne late (Tegelen)						

7. *Huër ich meziëk*

Tekstdichter: Gerard van der Schoor (Neer)
Componist: Coen Ottenheim (Neer)

Ich haaj lang aande tap gesjtaon
En sjtóng op 't puntj nao hoeës te gaon.
Toen op èns huurdje ich meziëk
'n Joekskepél trok door 't Kwiebusriëk.

Refrein:

Huër ich ein joekskepél,
Den krieg ich hoondervel,
Mien hert geit flink te kiër,
Ich veul 't kiër op kiër.
Nao hoeës gaon ich besjlis neet miër.
Huër ich ein joekskepél,
Den krieg ich hoondervel.
Zoeëlang die träöte gaon,
Kèn ich neet sjtil blieve sjtaon.

Ich vroeg mich aan Harie de tróm,
Det laek mich nog neet zoeë sjtóm.
Met det gebatter van mich haaj weinig zin,
Daorum zat Harie zellef mer weer in.

Refrein

Sjtèl dich ens vää, dink dich èns in,
Songer meziëk haet Vastelaovendj geine zin.
Det kan toch neet in oos Naer.
Meziëk huértj t'r bie, door de iëwe haer.

Refrein 2x

8. Stoopke op, stoopke aaf

Tekstdichter/Componist: Paul Lenders, Ruud Bettinger (Blerick)

Det is in ôs Bliërick
Heej is ut te doon
Vastelaovesdinsdaag
Zien weej heej de kloon
Det is in ôs Bliërick
Wat wils-se nog mier
Vandaag gaon weej as kloons
Heej duchtig aan de zwier.

Weej gaon dan stoopke op, stoopke aaf
In ein lange riej
Weej gaon kefeeke in, kefeeke oët
Kier op kier opniej.

Belunke in de linkerhand
En rechts de stampefoon
Zoë trekke weej gans Bliërick rônd
Daoveur zien weej de kloon
Weej laeve nôw op groëte voet
Maar meug det eine kier
Want in de kloon zien schoon
Staan weej nao vandaag neet mier.

Trompetje bluüs de iërste noët
Weej kloons weej valle beej
Dan zinge weej ôs ripptertwaar
Zoë geit det altiëd heej
Weej laeve baove ôzze stand
Maar meug det eine daag
Want in de kloon zien schoon
Huurs-se van ôs gen geklaag.

9. Iech bin d'r Harie

Tekstdichter/Componist: Ummer d'r Neaver (Kerkrade)

Besjtimd wit uur besjeed
de jemeente woar 't leed
al die heufjer op d'r sjtoep
is doch inne jroesse troep
vanaaf jannenaar
bin iech inne ambtenaar
krooch iech ee kontrakt
vuur 't veëje van d'r kak

Al is e plat of ronk, d'r kuttel van d'r honk
al zitse honged vleije drop,
d'r Harie ruumt ze op.

Refrein:

Iech bin d'r Harie
en ruum kuttele op
sjtech ee veënsje boavedtrop
en ruum d'r sjies da op.

Iech bin d'r Harie
en ruum kuttele op
veëg ze mit d'r kwispel
op 't sjupje boavedrop.

De natoer jeet zienne jank
dat is ja noen bekank
jeet me durch mit kuie
junt de derm diech duie
ozze honk dem neume vier Pasja
dee hat doa dukker la va
en da don iech mienne job
en ruum 't heufje op.

10. Van daen ozel gënne las

Tekstdichter: M. van Knippenberg (Kessel)

Componist: J. Timmermans (Kessel)

Wee gaon nao de optoch kieke,
zeuke ein sjoëne plek.
Nae wee weite van gèn wieke,
zien eg weer vastenaovesgek.
Môsse door de windj of raege
en hûb ze ut gauw kaod?
Bliëf neet sjtaon, kôm op en laot gaon
en sjpring mei in de maot.

Refrein:

Kôm zèt dien masker weer op
en zèt de zaak op de kop,
det huürt toch zoë met vastenaovend.
Kôm zing en lach en bûn bliej
en sjouw toch mei in de rie,
want idderein wèt det huürt derbiej.
Jao maak mer joeks en plezeer
en gank toch mei op en neer,
pak uch ens same lekker vas.
Gank mer veuroêt met ein lachende sjoêt
den hûb ze van daen ozel gënne las.

Sjteis ze baove op dae wage
razels ze op dien bein,
môs ze ozel mer verdrage,
des krek utzelfde veur idderein.
Zjwèj ze ônger nao de miense,
nao idderein op sjtraot,
sjtank neet sjtiëf, bewaeg met dien liëf,
dan hûb ze ut neet kaod.

Refrein 2x

11. *As ik ow zie*

Tekstdichter/Componist: Jeanny van Vegchel (Venray)

Refrein:

As ik ow zie, och Alowie,
dan wil ik nie nor huus,
wat môtte weej doèn dor thuus.
Zulle we bliève, jao miene liève,
kom asteblijf, doe nie zo stièf,
ik heb ôw lièf.

Elke pláts het zoeë zien daage,
aoveral wurt fieëst gevièrd.
Um zòn fieëst te laote slage,
he'k van thuus uut al gelièrd.
Groeëte meense, klaene kiender,
iederieën is moj verklèd.
Hosse, springe allemaol zinge,
nieë ik wil nog nie nor bed.

Jao hieël Rooj staot dan op stelte,
iederieën is an de zwièr.
Hieël gezellig, allemaol same,
ik wil d'r beej zien, iederskieër.
Wat er dan ok mugt gebeure,
iederieën stöt vur ow klaor.
En as alles dan vurbeej is,
zegge weej tot 't volgend jaor.

Refrein 2x

12. Heij brandt de lamp

Tekstdichter/Componist: John Thoma (Maastricht)

Refrein

Heij brandt de lamp, heij is get los.
Heij weurt gedans, heij weurt gehos.
Heij weurt alleijn plezeer gemaak,
de sjuste snaor weurt heij geraak.
Veer geven 'm good vaan ketoen
zoe wie veer dat al jaore doen.
Veer laote us noe 'ns good goon.
Heij brandt de lamp, dus blief neet stoon.

Ammezere daon iech miech zoe gere,
d'n akku laoj iech daomèt op.
Ederein op de bein, mèt meziek achterein,
daan kom iech haos neet mie stop.
Leve de lol, noe hèlt miech geine mie,
iech bars noe weer vaan d'n enerzjie.

Refrein

13. 'nne late

Tekstdichter/Componist: Peter van den Akker (Tegelen)

Jaou ich sjravel mich d'r lekker door
en kiëk besjlis neet op 'n oor.
Gluf maar det zoëlang d'r minse zien,
ich vurluipig neet verdwiën.

Refrein

Ich heb 't in de gate, 't wuërdt wir 'nne late
Ich bön gans euvetuúg,
Bön ich 't muúg, is 't morgevruúg.
En nörges gèn gemekker,
Minse kiëk wat lekker, wie det 't geit.
En everal sjtaon kwekke,
Lekker bliéve plekke, wiès 't haenke kreijit.
Ich heb 't in de gate, 't wuërdt wir 'nne late.
Ich bön gans euvetuúg,
Bön ich 't muúg, is 't morgevruúg.

Zelfs d'n allergrötste knooterpot,
Dae zingk en glundert van genot.
En dae kruúp pas oét zien narrepak,
As de nach wuërdt leech gemak.

Refrein

Auch al vruus 't boëte det 't kraak,
Det ich mich dao gèn zörg um maak.
Want ich weit zoëlang ich binne bön,
Gaon ich door diek en dun.

Refrein

Bloemboutique



Mariastraat 7 5932 BR Tegelen
Telefoon: 077-736771

Loek Christis

Voor al uw bloemdecoraties



verhuurbedrijf
"HAMI"

Hoogsstraat 81
Tegelen
Tel.: 077-733549

Verhuur:

- Partytenten
- GLASWERK
- PORSELEIN
- BESTEK
- TAFELS en STOELN
- TAPINSTALLATIES

Tijdig reserveren.

Voor verdere inlichtingen:
tel. (077) 733549

Wij verzorgen uw feestavonden
geheel compleet

GULPENER



LIMBURGS BIER

STICHTING
KUNST & CULTUUR
LIMBURG



Dagblad Noord-Limburg

De Limburger

OMROEP  LIMBURG



hoofdpostkantoor

